



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

caput XXVII.

urn:nbn:de:hbz:466:1-29452

stra actiua sequatur ex passiuā, & nisi fructus fidei fidem sequantur. Est igitur Euangelium non solū sermo de Christo incarnato, sed etiam doctrina, quomodo vita Christiana instituatur: vtrunq; docet, & vnū quodq; in suo loco. Primum, quomodo per fidem accipimus & patimur iustitiam passiuam: deinde, quomodo necessariò sequi debet iustitia actiua. Væ igitur carnalibus hominibus, qui non timent grauissimam sententiam Matt. 12. de redeunti diabolo cum septem Spiritibus nequioribus se, & 2. Pet. 2. cap. melius esse non cognouisse veritatem, quàm post agnitam retrocedere &c.

CAPVT XXVII.



Qvod Carnales hodiè frequenter in ore habent, Fides Fides, Crede crede, Et q̄ fides integra contineat duplex opus. Frequens in ore hominum huius seculi est, Fides fides, vel solū, Crede crede, & omnes conciones fiunt ac replentur de fide: nemo tamen explicat integritatem fidei, aut quid in se contineat hoc nomen fides. Veteres cū Paulo dicunt, q̄ fides est fundamentum, id est, substantia firmarum sperandarum argumentū non apparentium, id est, remissionis peccatorum, & vitæ æternæ, Hebr. 11. & quidem hoc rectè. Neoterici verò dicunt, Fides est fiducia misericordiæ diuinæ consequendæ propter Christum, & hoc quidem rectè. huiusmodi verò fides ex auditu est, Rom. 10. & donū Dei. nihil efficeret auditus verbi, nisi Spiritus S. intus reuelaret fidem. Mat. 16. Caro & sanguis non reuelauit tibi, sed pater meus qui est in cœlis. Est igitur fides fiducia firma, id est, substantia rerum sperandarum, id est, misericordiæ diuinæ consequendæ propter Christum, et si hoc carni & sanguini ac rationi naturali non appareat. Continet autem fides, si integrè consideretur, duplex opus.

Pri.

Primum est, in Christum credere, cum suscipere ut I. redemptorem & saluatorem acceptare pro sua iusti. Duplex o-
 tia, sapiētia & sanctitate, 1. Cor. 1. & hoc est opus Dei, pus fidei.
 ut in eū credamus, Ioan. 6. Credere igitur in personā
 Christi, ut filium Dei & nostrum saluatorem, primū
 exigitur: nisi enim quis primò credat in personam
 Christi, non credit verbo Christi, nec obedit verbo
 Euangelij eius. Primum igitur opus fidei est, credere
 Christū esse verum Deum & hominē, saluatorem no-
 strum atq; iustitiam in sua persona, & totum verū es-
 se quod de illo dicit scriptura Prophetarum & Apo-
 stolorum, & hæc fides facit Christianum. Alterum o-
 pus fidei integrę est, credere & obedire verbo & ser-
 moni eius: nam non omnis qui dicit mihi, Domine
 Domine, intrabit in regnum cœlorū: sed qui facit vo-
 luntatem &c. Mat. 7. Luc. 11. Beati qui audiunt verbū
 Dei, & custodiunt illud, 1. Cor. 4. Regnum Dei nō est
 in sermone &c. ad Tit. 1. Confitentur se nōsse Deum,
 sed factis negant. Fides ergo integra vtrunq; comple-
 titur, scilicet credere Christum esse nobis redempto-
 rem & saluatorem, atq; credere Christo, quod est ni-
 hil aliud, nisi eius verbo obedire: nā agnoscere Chri-
 sti pietatē, atque fateri ore & prædicare, satis non est,
 nisi & cognitū ames, non sermone tantum, sed & fa-
 ctis atq; virtutibus. Ioan. 14. Si quis diligit me, sermo-
 nes meos seruabit. Qui igitur verbo Christi, id est, Eu-
 angelio non obedit, (plura enim præcipit Euangeli-
 um, esse pauperes Spiritu, pacificos, mites, misericor-
 des, non iudicare, facere proximo quod sibi fieri vel-
 let, ieiunare, offensam remittere, &c.) Illi inquā ni-
 hil proderit fides & cognitio personę Christi, neq; fi-
 des illa saluabit. hæc igitur obedientia testificat esse
 Christianum: Ex quo sequitur, quòd fides illa quæ
 sola inani fiducia nititur absq; præcepti sancti custo-
 dia, id est, Euangelij, quod dicitur mandatum sanctū,
 lex charitatis, seruitus iustitię &c. mortua est, eò q̄
 vita

vita verbi caret. Tunc enim verbum ac Euangelium viuunt in nobis, quando fructus Euangeli atque opera sequuntur: Sunt enim opera testes viuae fidei. Psalm. 115. Credidi, propter quod locutus sum. Arbor bona fructus bonos facit, Matt. 7. Vbi igitur non est obedientia verbi, ibi fides verbi non est integra neque salutaris &c. Secundò, in hoc concordant omnes, quòd Fides dicitur sine operibus mortua esse, vt Jacob. 2. & Neoterici dicunt, si fidem opera non sequuntur, fides non est: ergo illa fides sine operibus non iustificat nec saluat, & quòd communiter tribuitur fidei iustificatio, hinc est, quia à maiori fit denominatio. Est enim opus fidei primum & potissimum inter omnia opera hominis. Sed propterea non excluduntur opera, eò quòd hoc nomen fides, vtrunque complectitur opus, id est, credere in Christum, & credere Christo, id est, obedire sermoni eius: ergo fides illa vera & integra est, quæ vtrunque opus habet, id est, quæ non solum fidit misericordiae, sed etiam obedit verbo. Fidere enim sine obedientia verbi, est Deum subsannare, & quamuis fiducia illa potius sit, quàm præcepti custodia: fiducia enim quietat cor: efficax tamen non erit fiducia illa misericordiae, si aderit contemptus obedientiae verbi. Vtrunque enim exigitur: vtrunque, dico, opus fidei doceri debet. Præterea Euangelium vtrunque opus fidei declarat in iustificatione. Marci 1. Pœnitementi. Hic obedientia verbi exigitur, & primus actus fidei est: deindè, Et credite Euangelio, id est, fiduciam habete tunc in diuinam misericordiam consequendam, & promissam propter Christum: nam propter illum Deus vult remittere peccata. Quòd si quis solum velit fidere diuinæ misericordiae, & non pœnitere aut obedire Euangelio, illa fides integra atque salutaris non esset, neque efficax, sic iubet prædicari pœnitentiam.

hitentiam primò Ecclesiæ obedienti. Deindè remissionem in nomine eius, Lucæ ultimo. Sic Apostoli ubique docent illos duos actus vel opera fidei in suis Epistolis, primum opus esse, scilicet credere in personam Christi, vt mediatorem & saluatorem, eò quòd lex nos damnat, sed per Christum iustificamur: deindè Paulus in alijs capitulis docet obedientiam verbi, scilicet offerre corpora, &c. Sic primo Corinthiorum quinto, inquit, Pascha nostrum immolatus est Christus, hoc credere debemus, & est primus actus fidei: deindè nunc epulemur in azymis synceritatis &c. & primo Petr. secundo. Liuore eius sanati sumus, hinc fides & fiducia: vt iustitiæ viuamus, ecce obedientia. Vbique ergo scriptura duplex hoc opus inducit, quare separari non possunt, neque debent: vt arbor sterilis nihil est sine fructibus, sic inanis illa fiducia diuinæ misericordiæ propter Christum sine fructu & obedientia Euangelij, misericordia eius à progenie in progeniem timentibus eum, Lucæ primo. Nam Adam credidit DEO in Paradiso, habuit enim primum opus fidei, sed quia non obediuit verbo Dei, & non habuit secundum opus fidei, idè nihil ei profuit. Sic Saul rex credidit, sed quia non obediuit verbo Dei, deiecitur 1. Regum decimo quinto. Filij ISRAEL crediderunt Deo, & exiunt de AEGYPTO: sed quia verbo eius non obedierunt, & peccabant, prostrati sunt in deserto. Iudas credidit Christo, & illi sequebatur: sed quia non obediuit verbo quod iubet sperare in Domino, idè seipsum suspēdit, sic multi sunt qui consentiunt Christum, sed facto negant, Tit. 1. At inquit, hæc fides non fuit vera, sed hypocritica, Respond. Penes quod cognoscitur fides vera ab hypocritica, nisi per alterum hoc opus fidei, scilicet obedire verbo? ergo quandò hoc non aderit primo operi fidei, quod est, credere in CHRISTVM, reliquum, scilicet obedientia verbi & seruitus iustitiæ,

iustitiæ,

fitiæ, hæc fides non est vera. Abraham non solū cre-
 didit verbo, sed & obediuit verbo Dei, immolans fi-
 lium Gen. 22. ob id iustificatus est Dauid, credidit &
 obediuit Deo, Psal. 50. Miserere mei Deus, & os meū
 annunciabit laudem tuā. Sic omnes sancti Martyres
 per fidem vicerunt regna, & operati sunt iustitiā &c.
 Hebr. 11. Nihil igitur est illa fiducia misericordiæ di-
 uinæ sine obedientia Euangelij. vtrunq; complecti-
 tur fides, credere & operari iustitiā. Qui igitur solā
 fidem sic iactant, vt derogent obedientiæ Euangelij
 & verbi Dei, illi videant. sed inquit: Fides, prius
 quàm quicquam operetur, iustificat: ergo sola iustu-
 ficat. Respond. hoc non negatur, nempe quòd absq;
 partu operum, hoc est, quia nondum peperit opera,
 quempiā iustificare potest: at iam parturijt, nihilo-
 minùs & est operibus grauida, nihil præter tempus
 partus expectās: mulier grauida est antè partum, at-
 tamen partum expectat: vt grauidam fieri mulierē,
 præcedit, partus sequitur: attamen in momento quo
 mulier grauida fit, potestate quadā in se cōtinet fru-
 ctum, tempus partus expectans. sic fides in momento
 quo infunditur animæ, grauida fit operibus bonis,
 nihil nisi nunc tempus efficiendi illos expectat, nul-
 lum momentum separari potest à Fide, obedientia
 verbi vel opera pia. Et quoniam fides potestate qua-
 dam intra se continet bona opera, quæ nondum sunt
 in lucem edita: idcirco per eam scilicet fidem iustus
 solum initiari dicitur vel iustificationem initiari, nō
 autem consummari: nam consummata iustificatio
 non aliter, nisi ex operibus natis & in lucem quasi e-
 ditis, acquiri potest. Sic enim dicit Iacob 2. quòd fi-
 des Abrahæ sit ex operibus consummata, & initium
 creaturæ eius vocat, non perfectam creaturam. Et sic
 scriptura docet iustitiā inchoatam & consumma-
 tam, vna per fidem datur, altera operibus efficitur:
 pro vtriusq; ergo tum fidei tum operibus siue obediē-
 tia

tia verbi vnum simul præmium, non diuisum inuicẽ,
 Apostolus tribuit, 2. Timoth. 4. Bonum certamen cer-
 tauì, cursum consummaui, fidem seruaui. Summa,
 vterque actus exigitur ad veram & integram fidem,
 credere in Christum, & credere Christo, id est, obedi-
 re verbo ipsius atque Euangelio, neque solam fidu-
 ciam acceptat sine obedientia verbi, neque opera &
 seruitium iustitiæ sine fide. Quare fides non est sola
 fiducia in Dei misericordiam, sed etiam diuinæ vo-
 luntatis atque Euangelij, obseruantia. Qui igitur cõ-
 temnit obedire verbo Euangelij, frustra iactat fidem,
 & inanẽ in Christum fiduciam: non solum promissi-
 mus in Baptismo nos in Christũ credere, sed & verbo
 illius obedire, & mandato sancto, legi charitatis, id
 est, Euangelio, & recusare pompis Diaboli. Seruus i-
 gitur sciens voluntatem Domini, Luc. 12. &c. & me-
 lius foret non agnouisse veritatem, 2. Petr. 2. Si enim
 sola illa fiducia in diuinam misericordiam suffice-
 ret sine obedientia verbi, superfluum foret totum
 Euangelium cum suis præceptis de pœnitentia, de
 charitate erga proximum, de operibus misericordiæ,
 de oratione, de ieiunio, de humilitate, de castigatio-
 ne &c. frustra quoque abundantio iustitiæ exigere-
 tur à Christianis Matthæi quinto: At Christus Io-
 an. octauo. inquit Iudæis: Vos dicitis quia pater me-
 us Deus vester est, sed non eum cognoscitis: ego au-
 tem cognosco eum, & sermonem eius seruo &c. & i-
 terum, si filij Abrahæ estis, opera Abrahæ facite: & li-
 cet vterque actus fidei exigitur atque integratur fi-
 des, adhuc tamen salua manet gratia, quæ ppter Chri-
 stum, & non ipsa opera operata nostra, iustificat & sal-
 uat: cùm enim omnia fecerimus &c. omnia inquit,
 id est, crediderimus, operati fuerimus, &c. adhuc
 serui inutiles sumus, &c. Lucæ 17. Insuper omnes do-
 cemur nos saluari gratia & misericordia Dei, Rõ. 6.
 Sed pij postquã omnia fecerint, quæ vel diuina præ-
 cepta,

cepta, aut cultum & laudem ipsius, aut quæ proximi commodum & corporis proprii castigationem respiciunt, adhuc se nihil fecisse putent, cogitantes quod Christus docuit. Lucæ 17. cum omnia feceritis &c. Carnales verò Euangelici homines tantum sperant misericordiam & gratiam salutis cum negligentia, immò cum contemptu omnium præceptorum cum Dei tum Ecclesiæ, in sola carnis libertate viuentes, nullum curantes opus. Contra hos ubiq; loquitur scriptura, quòd tali inani fiducia non saluantur. Vidè Lucæ 12. Et misericordia eius à progenie in progeniem timentibus eum &c.

CAPVT XXVIII.



Vid sit propriè verbum Dei, acceptate, audire & credere, cum omnes hodie dicunt, audiendum esse verbum Dei. Frequentis clamor est hoc seculo, scilicet, audiamus verbum Dei, verbum Dei, & accipiamus ac credamus, atque sic alius alium condemnat, quia non audit, aut credit vel acceptat verbum Dei: quare cum primis notare oportet, quid sit verbum Dei: deinde, quis illud acceptet & credat, & qualiter, an secundum Spiritum vel secundum carnem: nam etsi plerique audiant verbum Dei, non tamen omnes obediunt, Romanorum decimo. Est autem primo verbum Dei, iusta, vera ac sancta doctrina, per quam Deus, & non homo nos docet quid credamus, quid faciamus vt saluemur, sicut Apostolus secundo Timoth. tertio. inquit: Permane in literis sacris, quas ab infantia didicisti, quæ te instruunt de fide & salute, quæ est in Christo Iesu: nam omnis scriptura diuinitus inspirata, utilis est ad docendum, scilicet, licet fidem in Christum, ad erudiendum quoq; in iustitia, scilicet vitæ Christianæ, quatenus homo rectè faciat,

faciat, ad arguendum etiam scilicet qui non credunt
 in Christū, & malè viuunt, quibus denunciat damna-
 tionem: hæc omnia facit verbum Dei, vt perfectus sit
 homo Dei, ad omne opus bonum instructus. Sic Rō.
 15. Quęcunq; scripta sunt, &c. Docet autem verbum
 Dei multa, non solam fidem, sed & pleraque alia, sed
 antè omnia & cum primis docet & exigit fidem in
 Christum, eò quòd sine fide impossibile est placere
 Deo, Hebræ. 11. ideò Rom 10. inquit Apostolus: Hoc
 est verbum fidei quod prædicamus, quia si confitea-
 ris in ore tuo Dominum Iesum, scilicet esse tuum re-
 demptorem, & in corde credideris, quòd pro tuis pec-
 catis mortuus fuerit, & quòd Deus illum suscitauit à
 mortuis, saluus eris: nam tu homo peccator es, trans-
 gressor legis diuinę, natura corruptus: si vis euadere
 damnationē, crede in corde tuo Christum esse filium
 Dei, & pro tuis peccatis mortuū, Rom. 4. & resuscita-
 tum, vt te iustificet contra peccata & diaboli accusa-
 tionem, & iustus reputaberis propter hanc fidem in
 Christum coram Deo: nam sic corde creditur ad iu-
 stitiam, sed hunc quoque Christum confiteri debes
 coram mundo, Iudæis & Gentibus ac impijs: qui e-
 nim ipsum negauerit coram hominibus, illum nega-
 bit & ipse coram patre cœlesti, &c. & hæc cōfessio fit
 tibi ad salutem. Nam fides duplex opus habet: vnum
 intus in corde credere, fidere diuinę misericordię
 consequendę propter Christum Ioan 6 Hoc est opus
 Dei, vt credatis: alterum, Christum confiteri & illi o-
 bedire, verbo eius satisfacere, sicut hic confessio fit
 ad salutē, & 1. Ioan. 2. dicitur: Per hoc, inquit, scimus
 quòd cognouimus Deum, si iussa illius obseruamus:
 nam qui dicit, Noui eū, & præceptum eius nō seruat;
 mendax est, & in eo veritas non est. Docet igitur ver-
 bum Dei, primum credere, & omnem sp̄e salutis po-
 nere in Christum, qui dicit Ioan 3. Sic pater dilexit
 mundum, vt omnis qui credit in eum, &c. Secundo;

verbum Dei non solum docet credere & spem ponere in Christum, sed etiam semper esse in pœnitentia: sicut ergo omni die & hora cupis tibi exhiberi misericordiam, ita omni die & hora dolere debes de peccatis tuis, sicut dixit David Psalm 50. Peccatum meum contra me est semper, Sic Marc. 1. dicitur: Pœnite mini, & credite Euangelio. Absque pœnitentia & contritione cordis, spes & fiducia in Christum nulla est: pœnitentia autem optima est, cessare à vitijs, luxuria, superbia, auaritia, gula, &c. qui enim credit & sperat in Christum, attamen non cessat peccare frustra sperat misericordiam. Tertio, verbum Dei docet dilectionem Dei & proximi, Matthæi 22. vt Deum super omnia diligas, nihil illi preponas, nec patrem, matrem, vxorem, liberos, agrum &c. sed toto corde diligas, timeas, obedias. hæc enim sunt præcepta primæ tabulæ, deinde proximum tuum sicut teipsum, vt cum primis honores parentes tuos: deinde ne erga proximum tuum falsum testimonium dicas, mentiaris, detrahas, decipias emendo, vendendo, ne furum illi facias, vxorem deturpes, & concupiscas aliena. nam dilectio est plenitudo legis, Rom. 12. adhæc præcepta Euangelica omni tempore teneris. Roman. 13. Nihil debeatis, nisi vt vos inuicem diligatis. Quarto, verbum Dei docet humilitatem. Matthei 11. Discite à me, quia mitis sum & humilis corde, docet paupertatem, munditiam cordis, misericordiam, sitim, & esuriam iustitiæ, pati persecutionem, Matthei 5. docet quoque orare, ieiunare, elemosynam dare, Matthæi 6. non irasci, non dicere fratri racha, solem non occidere debere super iram nostram, reconciliari cum eo qui nos offendit: docet castigationem corporis, non crapulari, non inebriari, Luca 21. &c. summa, multa alia docet verbum Dei, quàm solum credere, quæ Christus adedè seriò exigit ab adultis, sicut fidem: nam si sola fides in ipsum & spes exigeretur,

frustra

frustrà hæc ipse præcepisset, & superuacanea essent in verbo Dei. Præterea ubiq; est verbum, tam ubi fidem exigit quàm ubi opera docet: & sicut exigit obedientiam circa fidem, vt in illum credamus, ita quoq; erga cætera quæ præcipit vt obediamus & faciamus: iubet quoque inimicos diligere, & eis benefacere, qui nos oderunt, Lucæ 6. & vt nemo se excuset de impossibilitate. promittit & donat Spiritum sanctum, qui adiuuet infirmitatem nostram, Rō. 8. vt obediamus legi. Verbum igitur Dei non solum docet credere, sed & facere & obedire verbo Dei, nam sic dicit Lucæ 6. Quid autem vocatis me, Domine &c. & non facitis quæ dico? omnis enim qui venit ad me, & audit sermones meos, & facit eos, ostendam vobis cui simi- lis sit, similis est homini edificanti domum, qui fodit in altum, & posuit fundamentum supra petram: inundatione autem veniente &c. Eandem sententiam habet Matt. cap. 7. Est ergo verbum Dei doctrina sancta, docens quid credamus, & faciamus ad salutem Verbum igitur Dei audire, credere, acceptare, est illi per omnia obedire, id est, non solum credere in Christum, sed etiam mandato eius & verbo sancto obedire, nempè Euangelio, quod vitam & opera cum fide Christiani describit. Qui ergo fide clamat ad Christum, Domine Domine, & spem suam in illum ponit, necessè est vt obediat etiam verbo ipsius, non quòd virtus fidei nostræ ac operum ex sua conditione mereantur salutem: id enim gratiæ Dei saluum relinquitur, quàm gratiam & misericordiam Christus suo sanguine nobis meruit, Roman. 4. mortuus est pro peccatis nostris: sed quòd sine fide & obedientia verbi Dei, salus non distribuitur & accipitur: nos serui inutiles sumus semper, scilicet ad remissionem & salutem promerendam, nostra scilicet fide & operibus, Lucæ 17. licet opera nostra aliàs habeant sua ingentia præmia &c. & non vult obliuisci operis nostri

&c. Hebræ. 6. Fides igitur quia utrunque complectitur, scilicet credere & obedire verbo, ille totum ac verè verbum Dei credit, audit, acceptat, qui ubique obedit: primùm obedit verbo, credendo in Christum: deindè obedit faciendo & opere, quod exigit verbum Dei, qui habet dilectionem proximi: cauet peccata, castigat corpus: nam beati dicuntur non solum qui audiunt verbū Dei Qui igitur per omnia obedit, ille se iactet suscepisse verbum Dei Acceptantes autē verbū Dei, sunt in duplici differētia: quidam credunt & acceptant illud, faciendo pro virili, quod Euangelium præcipit ex fide facere: sed quia nemo perfectus, ob id semper pœnitent: pro auxilio gratiæ Dei anhelant, quotidie clamantes, Adauge nobis fidem, Luca 17. & iterum, Matthæi 6. Dimitte nobis debita nostra &c. sed horum perpauci sunt. Aliqui accipiunt verbum Dei in parte, & solum ubi carnis libertatem fouere possunt, non obedire traditionibus & præceptis Ecclesiæ, non ieiunare aut feruari, sed omnialiter agere, trahentes quiduis ad lasciuiam carnis, ut ait Apostolus Iudas in sua Epist. iactantes se liberos ab omni lege &c. etsi hoc verum sit, quoad Iudæicam legem, non tamen quoad legem charitatis & seruitium iustitiæ, id est, obseruantiam Euangelij, & solum se iactant fidere in Christi misericordiam, non curantes opera Euangelica, dilectionem, humilitatem, orationem, ieiunium ac cæteras virtutes: & licet hi iactent se suscepisse verbum Dei, nihil tamen minus fecerunt: ex quo patet falsitas: nam verbum Dei non solum docet credere, sed & obedire verbo per obseruantiam præceptorum &c. Iudæis, Turcis, Gentibus aptè dicitur, quòd non acceptant verbum Dei. Non ergo hoc solum curandum est, ut per fiduciam solam ad thronū gratiæ accedamus, sed & ut in Christo maneamus, vel potius ut Christus in nobis maneat: manet autē in nobis, si per fidelem custodiam

semea

semen verbi eius in nobis retinuerimus, illi obediē-
tiam præstantes. Qui igitur iactat se in Christo mane-
re, debet sicut Christus ambulauit, & ipse ambulare,
1. Ioan. 2. & DEVS charitas est, qui manet in cha-
ritate, &c. & iterū, Qui facit iustitiam, ex Deo natus
est: ergo non qui solū credit iustitiam. Summa, inter-
na illa cordis iustitia, quæ est in corde nostro propter
fidem in Christum, non potest esse sine externa ope-
rum iustitia. Nam interna externam fecundam fa-
cit, & externa internam adesse testatur. Qui ergo v-
tranque accipit & habet iustitiam, is verbum Dei se
accepisse & credidisse iactet, & de hoc gratias Deo a-
gat, & proximum non contemnat, sed qui in sola car-
nis libertate gloriatur, tantum abest vt Euangelium
susceperit.

CAPVT XXIX.



VIA à plerisque iactatur fidei iustitia,
quasi sola sufficiat ad salutem & remis-
sionem, inquirendum est, quid sit fidei
iustitia: deindè, in quo consistat vt inte-
gra & perfecta sit. Fidei iustitia est, ex
corde credere quòd Christus mortuus est pro pecca-
tis nostris, & quòd resurrexit propter nostram iusti-
ficationem, Romanorum quarto: id est, quòd credo
nihil esse in mundo, quod peccata mea tollere pote-
rit, nisi vnica Christi mors. Ioan. primo. Agnus Dei
&c. deindè, quòd nihil sit quo subsistam in iudi-
cio contra peccatum, diabolū, & mortem æternam
præter iustitiam Christi, quæ per fidem in illum mihi
gratis distribuitur, id est, qua iustificor contra dæ-
monem & peccatum. Romanorum quarto: credenti
in eum qui iustificat impium, fides reputatur illi ad
iustitiam. & ponit exemplum de Abraham, qui credi-
dit Deo, pmittenti ei prolem, etiam si corpus emor-
tuum haberet, & iam ferè centum annorum, Sara